



Publicaziuns officialas dils 30-08-2019

Damondas da baghegiar

- Nr. 96.1/2016 midada da project
Datum da publicaziun: 30-08-2019
Patrun: Cathomas Martin, 7173 Surrein
Liug e parcelas: Val; 6743
Object: niev suflafein e nova porta
- Nr. 44.1/2017 midada da project
Datum da publicaziun: 30-08-2019
Patrun: Fry Paul, 7176 Cumpadials
Liug e parcelas: Canariel; 6047
Object: engrondaziun dallas portas dil clavau
- Nr. 86/2019
Datum da publicaziun: 30-08-2019
Patrun: Jacomet Simon, 7173 Surrein
Representant: De Giorgi Huonder ScRL, 7144 Vella
Liug e parcelas: Encarden; 832
Object: midada d'intent da clavau en luvratori ed engrondaziun dil baghetg
- Nr. 87/2019
Datum da publicaziun: 30-08-2019
Patrun: Kock Christine e Ralf, 7172 Rabius
Representant: db Garten- und Sportanlagen, 7130 Ilanz/Glion
Liug e parcelas: Staziun; 247
Object: construcziun d'in curtin da crappa ed ina paravesta cun crappa da granit
- Nr. 88/2019
Datum da publicaziun: 30-08-2019
Patrun: Siegenthaler Dieter, 8545 Rickenbach
Liug e parcelas: Crest da Cauras; 3910
Object: sanaziun dil tetg
- Nr. 89/2019
Datum da publicaziun: 30-08-2019
Patrun: Cuminonza da proprietaris en condomini parcella nr. 251, c/o Confidar Fiduziaria SA, 7172 Rabius
Liug e parcelas: Via Sursilvana; 251
Object: remplazzament da barcuns
- Nr. 90/2019
Datum da publicaziun: 30-08-2019
Patrun: Vincenz Nadja e Benedetg, 7173 Surrein
Liug e parcelas: Plazzas Su; 1252
Object: sanaziun dalla casa

Ils profils ein tschentai ed ils plans da construcziun ein deponi tier la canzlia commu-nala. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 30-08-2019

Cumissiun da baghegiar

Scamond d'encurir bulius

Sebasond sils art. 11 e 12 dall'ordinaziun cantunala davart la protecziun dalla natira e dalla patira ei en special da risguardar las suandontas restricziuns:

- Egl interval dils 1 entochen e cun il 10avel di da mintga meins eis ei scumandau d'encurir bulius da tuttas specias.
- Il quantum maximal ch'astga vegnir rimnaus per persuna e per di munta a maximal 2 kg da tuttas specias.
- Igl ei scumandau da rimnar bulius en gruppas da pli che treis persunas.
- Il diever d'utensils per rimnar bulius ei scumandau.

Nus supplichein da respectar quellas disposiziuns ed engraziein per Vossa capientscha.

Sumvitg, 30-08-2019

Suprastonza communal Sumvitg

Serrada dalla via Rosas

A partir dils 19 d'uost 2019 vegn il conduct d'aua dalla firma Axpo sanada sil tschancun denter Bogn Tenigia e Runcahez. Per exequir las lavurs sto la via da Rosas denter la Val Caho e la Val Camenisch vegnir serrada per tut il traffic motorisau. A pei e cun velo eis ei pusseivel da passar. Las lavurs cuozzan entochen la fin november 2019.

Dapli informaziuns survegnis vus tiel l'Axpo Hydro Surselva AG / Tavanasa tel. 081 929 25 11. Engraziel per Vossa capientscha.

Sumvig, 30-08-2019

Axpo Hydro Surselva AG

Fiasta da pumpiers

Il corp da pumpiers envida alla fiasta dils pumpiers da Sumvitg-Trun cun inauguraziun dil niev auto-cistiarna. La fiasta ha liug **sonda, ils 31 d'uost 2019** a Rabiun Igniu.

Program:

- 10.00 avertura dalla fiasta
- 11.00 benedicziun dil niev auto-cistiarna
- 11.30 differents plaids d'avertura
- 12.00 gentar cun bunas tratgas giu dil gril
- 13.00–16.00 p resentaziun da vehichels e material entras ils pumpiers Cordialmein envidan *ils pumpiers Sumvitg-Trun*

Annada 1934 dalla vischnaunca Sumvitg

Nossa sentupada ha liug **gievgia, ils 5 da settember 2019** allas 11.00 ell'ustria «Placi Pign» a Surrein. S'annunziar entochen ils 30 d'uost per tel., 081 943 25 00 ni 081 943 14 04. Ils organisateurs selegnan da stedia participaziun.

Uniun da dunnas Sumvitg/Cumpadials

Nus mein sin viadi... sonda, ils 21 da settember 2019

Program:

- viadi cun autocar sul pass Alpsu tochen ad Arth, naven da leu cun bastiment a Zug
- gentar communabel a Zug
- guida atras la conditoria Speck – producziun e degustaziun dalla renomada tuorta da Kirsch
- temps liber el bi marcau da Zug
- retuorn a casa: ca. allas 20.30

Bugen spetgel tia annunzia entochen sonda, ils 14 da settember 2019 cun indicar sche ti possedas in bigliet special (½ taxa ni GA). Anita Degonda, 079 538 13 24 ni

degonda-monn@bluewin.ch

Cup Punteglias

La proxima fin d'jamna ha liug a Trun igl usitau Cup Punteglias. Sonda sera naven dallas 17.30 vegn fatg zagrenders. Ei fagess zun grond plascher da beneventar in ni l'auter a mirar ils giugs da tennis sco era alla sera da zagrenders. Cordialmein envida *Club da tennis Trun*